



Dr Mahathir hadir pada Persidangan Minyak dan Gas Asia Ke-20 (AOGC 2019) di Dewan Plenari, Pusat Konvensyen Kuala Lumpur (KLCC) semalam.

Tindakan lucut hak sivil bukan untuk bankrapkan UMNO

KUALA LUMPUR - Tun Dr Mahathir Mohamad menyangkal dakwaan tindakan memfailkan perlucutan hak sivil terhadap 41 individu dan entiti termasuk beberapa anggota perhubungan UMNO negeri, adalah satu usaha membankrapkan parti itu.

Perdana Menteri berkata, jika itulah motifnya, kerajaan boleh melakukannya lebih awal.

"(Sebaliknya) kami benar-benar (bekas Perdana Menteri, Datuk Seri) Najib (Tun Razak) untuk agak bebas, walaupun dia sedang didakwa, dia bergerak bebas sebagai 'Bossku'," katanya di sini semalam.

Jumaat lepas, Suruhanjaya Pencegahan Rasuah Malaysia (SPRM) mengumumkan suruhanjaya tersebut telah memfailkan permohonan perlucutan hak sivil terhadap 41 individu dan entiti untuk memperoleh semula dana kira-kira RM270 juta yang mempunyai kaitan dengan 1Malaysia De-

velopment Bhd (1MDB).

Termasuk dalam senarai itu ialah anggota perhubungan UMNO Negeri Selangor, anggota perhubungan UMNO Pahang, anggota perhubungan UMNO Kedah, anggota perhubungan UMNO Johor dan anggota perhubungan UMNO Sabah.

Beberapa pemimpin UMNO berkata, mereka tidak menolak kemungkinan menubuhkan UMNO lain jika parti itu dibubarkan.

Mengenai perkata itu, Dr Mahathir yang juga Pengerusi Pakatan Harapan (PH) berkata, beliau tidak kisah jika parti itu mempunyai rancangan menubuhkan parti baharu, tetapi apa juga kesalahan yang telah dilakukan, perlu dihukum mengikut undang-undang.

"UMNO ambil duit yang dicuri untuk diberi kepada bahagian, duit yang dicuri mesti dibayar balik kepada kerajaan," katanya. - Bernama